



TOSHKENT DAVLAT YURIDIK UNIVERSITETI REKTORINING B U Y R U G ' I

15.04.2024

236-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa hujjatlarni buzish holatlari kuzatilmoqda.

Jumladan, Universitet rektorining 2024-yil 26-yanvardagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2023/2024-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 45-tm-son buyrug'i (keyingi o'rinlarda – universitet rektorining 2024-yil 26-yanvardagi 45-tm-son buyrug'i)ga muvofiq Ommaviy huquq fakulteti 4-kurs talabasi Tagayev Jamshid Ilxomovich O'zbekiston Respublikasi Transport prokuraturasida 2024-yilning 5-fevralidan 12-apreliga qadar bitiruv malakaviy amaliyoti o'tashi belgilangan.

Ammo, talaba J.Tagayev bitiruv malakaviy amaliyoti bo'yicha buyruq mazmuni tushuntirilgan hamda bitiruv malakaviy amaliyotini o'tash muddatlari va joyi to'g'risida ogohlantirilgan bo'lishiga qaramasdan, amaliyot o'tash joyiga bormaganligi aniqlangan hamda amaliyot raxbariga tegishli hisobotlarni bir necha bor o'z vaqtida taqdim etmagan.

Talaba J.Tagayev o'z tushuntirish xatida dastlabki 6 haftalik bitiruv malakaviy amaliyot hisobotlarini sog'ligidagi muommolar sababli topshira olmaganligini ma'lum qilishiga qaramasdan kasallik haqidagi ma'lumotnomani ilova qilmagan. Shuningdek, amaliyot rahbari O.Otamirzayev va kurs tyutori B.Avliyoqulovlar tomonidan talaba amaliyot o'tayotgan tashkilotga borib o'rganilganda, talaba amaliyot joyida mavjud emasligi aniqlangan va holat yuzasidan dalolatnoma tuzilgan.

Holat yuzasidan talaba dekanatga chaqirtirilganda, u telefon qo'ng'iroqlariga va telegram xabarlariga javob bermagan.

Talaba J.Tagayev mazkur harakatlari bilan universitet rektorining 2024-yil 26-yanvardagi 45-tm-son buyrug'i, "Yuridik ta'lim muassasalari (harbiy, maxsus

oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16⁴-bandi uchinchi, to'rtinchi va beshinchi xatboshilari (bitiruv malakaviy amaliyotni tashkil etish va o'tashni nazorat qilish bo'yicha tadbirlarda ishtirok etishi; bitiruv malakaviy amaliyotni o'tash dasturida nazarda tutilgan barcha topshiriqlarni belgilangan muddatlarda, to'liq hajmda va sifatli bajarishi; OTMdan biriktirilgan bitiruv malakaviy amaliyot rahbarining talabi bilan ko'rib chiqish uchun bitiruv malakaviy amaliyotni o'tash to'g'risidagi hisobotini taqdim qilishi), shuningdek Toshkent davlat yuridik universiteti Odob-axloq kodeksining 5-moddasi (xodim, talaba va doktorantlar O'zbekiston Respublikasi qonunchiligiga so'zsiz rioya qiladilar hamda tegishlicha o'z xizmat yoki o'qish majburiyatlarini lavozim yo'riqnomalari, mehnat shartnomalari, ushbu Kodeks qoidalari, Universitet Ichki tartib qoidalari hamda boshqa ichki hujjatlarga muvofiq bajaradilar)ga oid talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, universitet rektorining 2024-yil 26-yanvardagi 45-tm-son buyrug'i, Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risidagi nizomning (ro'yxat raqami 2548) 16⁴-bandi, Toshkent davlat yuridik universiteti Odob-axloq kodeksining 5 va 26-moddasi hamda universitetning Ichki tartib qoidalarining 83-bandiga asosan

BUYURAMAN:

1. Universitet Ommaviy huquq fakulteti 4-kurs talabasi Tagayev Jamshid Ilxomovichga hayfsan intizomiy jazo chorasi qo'llanilsin.

2. Ommaviy huquq fakulteti dekani (Sh.Saydullayev):

ushbu buyruq mazmun-mohiyatini talabalar e'tiboriga yetkazsin;

mazkur holat va shu kabi qoidabuzarlik ushbu talaba tomonidan takroran sodir etilsa, talabani talabalar safidan chetlashtirish mumkinligi to'g'risida ogohlantirsin;

ushbu talabaning shaxsiy hujjatlar yig'ma jildiga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Bo'lim boshlig'i

J.AXMEDOV



Katta yuriskonsult

A.TURSUNOV

